

诗义标准

詩義標準八十三

軍旅四

行役

長沙

王錫光

譔集

苦寒行

相和曲或謂之北上篇

魏武帝

北上太行山。艱哉何巍巍。羊腸坂詰屈。車輪爲之摧。樹木何蕭瑟。北風聲正悲。熊羆對我蹲。虎豹夾路啼。谿谷少人民。雪落何霏霏。延頸長歎息。遠行多所懷。我心何怫鬱。思欲一東歸。水深橋梁絕。中路正徘徊。迷惑失故路。薄暮無宿栖。行行日已遠。人馬同時飢。擔囊行取薪。斧冰持作糜。悲彼東山詩。悠悠使我哀。

苦熱行

梁鮑照

赤阪橫西阻。火山赫南威。身熱頭且痛。鳥墮魂來歸。湯泉發雲潭。焦煙起石圻。日月有恆昏。雨露未嘗晞。丹蛇踰百尺。玄蜂盈

十圍含沙射流影吹蠱痛行暉鄣氣晝熏體茵露夜沾衣飢緩
莫下食晨禽不敢飛毒涇尙多死渡瀘寧具腓生軀蹈死地昌
志登禍機戈船榮既薄伏波賞亦微財輕君尙惜士重安可希

驄馬驅

梁劉孝威

翩翩驄馬驅橫行復斜趨先救遼城危後拂燕山霧風傷易水
湄日入隴西樹未得報君恩聯翩終不住

出塞

唐王昌齡

秦時明月漢時關萬里長征人未還但使龍城飛將在不教胡
馬度陰山

白花垣上望京師黃河水流無盡時窮秋曠野行人絕馬首東
來知是誰

出塞

唐 王之渙

黃河遠上白雲間。一片孤城萬仞山。羌笛何須怨楊柳。春風不度玉門關。

詩義標準八十四

軍旅五

困敗

長沙 王錫光 譜集

戰城南

漢鏡歌見宋書樂志

戰城南死城北野死不葬烏可食爲我謂烏且爲客豪野死諒
不葬腐肉安能去子逃水深激激蒲葦冥冥梟騎戰鬪死駑馬
襄回鳴梁築室何以南何以北禾黍不獲君何食願爲忠臣安
可得思子良臣良臣誠可思朝行出攻暮不夜歸

垓下歌

楚項羽

力拔山兮氣蓋世時不利兮骓不逝骓不逝兮可奈何虞兮虞
兮奈若何

平城歌

見漢書

平城之下亦誠苦七日不食不能彀弩

與蘇武別歌

見漢書

漢李陵

徑萬里兮度沙漠爲君將兮奮匈奴路窮絕兮矢刃摧士眾滅
兮名已墮老母已死雖欲報恩將安歸

武溪深行

古今注援南
征所作也

漢馬援

滔滔武溪一何深鳥飛不度獸不敢臨嗟哉武溪多毒淫

隴上歌

劉曜圍陳安於隴城安敗走曜使將軍平先追之
平斬安於澗曲安善於撫下吉凶夷險與眾共之

及死隴上爲之歌見晉書

晉無名氏

隴上壯士有陳安軀幹雖小腹中寬愛養將士同心肝膈聽父
馬鐵鍛鞍七尺大刀奮如湍丈八蛇矛左右盤十盪十決無當
前百騎俱出如雲浮追者千萬騎悠悠戰始三交失蛇矛棄我

躡驄竄巖幽爲我外援而懸頭西流之日東流河一去不還奈子何

出自薊北門行

梁鮑照

羽檄起邊亭烽火入咸陽徵騎屯廣武分兵救朔方嚴秋筋竿
勁虜陣精且強天子按劍怒使者遙相望雁行緣石徑魚貫度
飛梁簫鼓流漢思旌甲被胡霜疾風衝塞起沙礫自飄揚馬毛
縮如蝟角弓不可張時危見臣節世亂識忠良投軀報明主身
死爲國殤

敕勒歌

樂府廣題北齊高歡攻周玉壁挫敗恚憤發疾
勉坐以安士眾引斛律金唱敕勒歌歡自和之

敕勒川陰山下天似穹廬籠蓋四野天蒼蒼野茫茫風吹草低
見牛羊

戰城南

唐李白

去年戰桑乾源今年戰葱河道洗兵條支海上波放馬天山雪
中草萬里長征戰三軍盡衰老匈奴以殺戮爲耕作古來唯見
白骨黃沙田秦家築城備胡處漢家還有烽火然烽火然不息
征戰無已時野戰格鬪死敗馬號鳴向天悲鳥鳶啄人腸銜飛
上挂枯樹枝士卒塗草莽將軍空爾爲乃知兵者是凶器聖人
不得已而用之

弔王將軍墓

唐常建

嫖姚北伐時深入強千里戰餘落日黃軍敗鼓聲死嘗聞漢飛
將可奪單于壘今與山鬼鄰殘兵哭遼水

沒蕃故人

唐張籍

前年戌月支城下沒全師蕃漢斷消息死生長別離無人收廢帳歸馬識殘旗欲祭疑君在天涯哭此時

哭陷邊許兵馬使

唐曹唐

北風裂地黯邊霜戰敗桑乾日色黃故國暗回殘士卒新墳空葬舊衣裳散牽絆馬嘶青草任去佳人弔白楊除卻陰符與兵法更無一物在儀牀

奉使岐下聞唐弘夫行軍爲賊所擒傷而有作

唐唐彥謙

報國捐軀實壯夫楚囚垂欲復神都雲臺畫像皆何在青史書名或不孤散卒半隨袁校尉寡妻休問辟司徒聞君敗績無歸計氣激星辰坐向隅

詩八十四 箫方 困熙

三

詩義標準八十五

從軍

長沙

王錫光

譏集

軍旅六

從軍詩五首

亦古題
相和曲

魏王 桀

從軍有苦樂但問所從誰所從神且武焉得久勞師相公征關右赫怒震天威一舉滅獯虜再舉服羌夷西收邊地賊忽若俯拾遺陳賞越丘山酒肉踰川坻軍中多飫饒人馬皆溢肥徒行兼乘還空出有餘資拓地三千里往返速若飛歌舞入鄴城所願獲無違盡日處大朝日暮薄言歸外參時明政內不廢家私禽獸憚爲犧良苗實已揮竊慕負鼎翁願厲朽鈍姿不能效沮溺相隨把鋤犁熟覽夫子詩信知所言非

涼風厲秋節司典告詳刑我君順時發桓桓東南征汎舟蓋長

川陳卒被隰坰征夫懷親戚誰能無戀情拊襟倚舟檣暮言思
鄴城哀彼東山人喟然感鶴鳴日月不安處人誰獲安寧昔人
從公旦一徂輒三齡今我神武師暫往必速平弃余親睦恩輸
力竭忠貞懼無一夫用報我素餐誠夙夜自憐性思逝若抽榮
將秉先登羽豈敢聽金聲

從軍征遐路討彼東南夷方舟順廣川薄暮未安坻白日半西
山桑梓有餘暉蟋蟀夾岸鳴孤鳥翩翩飛征夫心多懷悽愴令
吾悲下船登高防草露沾我衣回身赴牀寢此愁當告誰身服
干戈事豈得念所私卽戎有授命茲理不可違

朝發鄴都橋暮濟白馬津逍遙河隄上左右望我軍連舫踰萬
艘帶甲千萬人率彼東南路將定一舉勳籌策運帷幄一由我

聖君恨我無時謀譬諸具官臣鞠躬中堅內微畫無所陳許厯
爲完士一言猶敗秦我有素餐責誠愧伐檀人雖無鉛刀用庶
幾奮薄身

悠悠涉荒路靡靡我心愁四望無煙火但見林與丘城郭生榛
棘蹊徑無所由蘚蒲竟廣澤葭葦夾長流日夕涼風發翩翩漂
吾舟寒蟬在樹鳴鶴鵠摩天遊客子多悲傷淚下不可收朝入
譙郡界曠然消人憂雞鳴達四境黍稷盈原疇館宅充廛里女
士滿莊馗自非聖賢國誰能享斯休詩人美樂土雖客猶願畱

從軍行

晉 陸 機

苦哉遠征人飄飄窮四遐南陟五嶺巔北戍長城阿深谷邈無
底崇山巒嵯峨奮臂攀喬木振迹涉流沙隆暑固已慘涼風嚴

且苛夏條集鮮藻寒冰結衝波胡馬如雲屯越旗亦星羅飛鋒無絕影鳴鏑自相和朝食不免胄夕息常負戈苦哉遠征人拊心悲如何

飲馬長城窟行

陸機

驅馬陟陰山山高馬不前往問陰山候勁虜在燕然戎車無停軌旌旆屢徂遷仰憑積雪巖俯涉堅冰川冬來秋未反去家邈以絲獫犹亮未夷征人豈徒旋末德爭先鳴凶器無兩全師克薄賞行軍沒微軀捐將遵甘陳迹收功單于旃振旅勞歸士受

爵橐街傳

送劉校書從軍

唐楊炯

天將下三宮星門召五戎坐謀資廟略飛檄佇文雄赤土流星

劍烏號明月弓秋陰生蜀道殺氣繞湟中風雨何年別琴尊此
日同離亭不可望溝水自西東

塞上

唐郭震

塞外虜塵飛頻年出武威死生隨玉劍辛苦向金微久戍人將
老長征馬不肥仍聞酒泉郡已合數重圍

隴頭水

唐員半千

路出金河道山連玉塞門旌旗雲裏度楊柳曲中喧味血多壯
膽裏革無怯魂嚴霜斂曙色大明辭朝敵塵銷營卒壘沙靜都
尉垣霧卷白山出風吹黃葉翻將軍獻凱入萬里絕河源

塞外三首

唐鄭愔

塞外蕭條望征人此路賒邊聲亂朔馬秋色引胡笳遙嶂侵歸

日長城帶晚霞。斷蓬飛古戍。連雁聚寒沙。海暗雲無葉。山春雪作花。丈夫期報主。萬里獨辭家。

荒壘三秋夕。窮郊萬里平。海陰凝獨樹。日氣下連營。戎旆霜旋重。邊裘夜更輕。將軍猶轉戰。都尉不成名。折柳悲春曲。吹笳斷夜聲。明年漢使返。須築受降城。

陽鳥南飛夜。陰山北地寒。漢家征戍客。年歲在樓蘭。玉塞朔風起。金河秋月圓。邊聲入鼓吹。霜氣下旌竿。海外歸書斷。天涯旅鬢殘。子卿猶奉使。常向節旄看。

從軍

唐
劉庭琦

朔風吹寒塞。胡沙千里陣。雲出岱山孤。月生海水決。勝方求敵銜恩本。輕死蕭蕭牧馬鳴。中夜拔劍起。